



Headlines

1. जी-20 शिखर सम्मेलन दरान प्रधानमंत्री नरेंद्र मोदी होरें सब्बन लेई साफ-सुथरे ते टिकाऊ भविष्य की यकीनी बनाने दे जत्ने च तेजी आह्वान पर जोर दिता। उने आखेआ जे पेरिस समझौते की पूरा करने आह्ला भारत पैहला मुख्य ऐ।
2. लेफ्टिनेंट गवर्नर मनोज सिन्हा होरें दफा-370 दी बहली बारे चर्चाएं की बेमतलब करार दिंदे होई आखेआ जे सुप्रीम कोर्ट नै इसी हटाए जाने दे फैसले की बरकरार रखेआ ऐ।
3. मुख्यमंत्री ओमर अब्दुल्ला होरें रिहायशी ते दफतरें सरबन्धी सुविधाएं दी कमी की पूरा करने दी जरूरतें पर जोर पाया ऐ।
4. चऊं दिनें दा राष्ट्रीय कृषि सम्मेलन 2024 अज्जै थमां स्कास्ट जम्मू च शुरू होआ करदा ऐ। 15 ज्हार प्रतिभागी एहदे च हिस्सा लैडन।
5. हॉकी च महिलाएं दी एशियन चैंपियन्स ट्रॉफी दे अज्ज राजगीर बिहार च होने आहले फाइनल मुकाबले च भारत दा सामना चीन कन्नै होग।



PM-G 20 Address

प्रधानमंत्री नरेंद्र मोदी होरें कल ब्राजील दे रियो डी जनेरियो च टिकाऊ विकास ते उर्जा परिवर्तन बारे जी-20 शिखर सम्मेलन दे त्रीए सत्र की संबोधित कीता। विदेश मंत्रालय दे प्रवैता रणधीर

जयसवाल होरें जानकारी दिती ऐ जे प्रधानमंत्री मोदी होरें सब्बनैं लेई मते साफ-सुथरे ते टिकाऊ भविष्य गी यकीनी बनाने दे जत्नैं च तेजी आहन्ने पर जोर दिता। मोदी होरें अंतरराष्ट्री सौर गठबंधन, इक विश्व इक सूरज इक ग्रिड ते कुल संसारी जैव ईंधन गठबंधन जनेए पर्यावरण कन्ने मेल खंदे रहन-सहन दे सिद्धांतें, तौर-तरीकें ते उपाएं दे महत्वैं गी उजागर कीता। उनें टिकाऊ विकास प्राथमिकताएं गी अगड़े बधाने लेई ब्राजील दे फैसले दा बी सुआगत कीता। अपने संबोधनैं च प्रधानमंत्री होरें लगातार ते टिकाऊ विकास च तेजी आहन्ने दे भारत दे जत्नैं दा जिक्र कीता ते आखेआ जे भारत पेरिस समझौते दिएं प्रतिबद्धताएं गी पूरा करने आहला जी-20 समूह दा पैहला मुख्य ऐ।

<><><><><><>

LG- 370

जम्मू-कश्मीर च दफा 370 गी परतिए बहाल करने आहली चर्चा पर विराम लांदे होई उपराज्यपाल मनोज सिन्हा होरें आखेआ ऐ जे इस पर चर्चा बेमतलब दी ऐ कीजे सुप्रीम कोर्ट नै दफा 370 गी हटाने गी संवैधानिक दस्सेआ ऐ। गाजीपुर च पत्रकारें कन्नै गल्ल करदे होई एल.जी होरें आखेआ जे लोकतांत्रिक प्रक्रिया कन्नै चुनी गेदी सरकार बनी दी ऐ। उनेंगी पूरा विश्वास ऐ जे ओह खिते दे पूरे-पराते विकास लेई कम्म करोग। उनें आखेआ।

<><><><><><>

CM-Estates

मुख्यमंत्री ओमर अब्दुल्ला होंरें एस्टेट्स विभाग गी आखेआ ऐ जे ओह् अगले 15एं ब'रें लेई लोड़चदी सुविधाएं दा इक व्यापक आकलन करै। उनें आखेआ जे इस प्रक्रिया दरान कराये-भाड़े आहली प्रणाली थमां इक ठोस ते टिकाऊ ढांचे बक्खी मुंतकिल होने पर खास ध्यान केन्द्रित कीता जाहग। एस्टेट्स मैहकमे दी कल लाई गेदी इक जायजा बैठक दी प्रधानता करदे होई मुख्यमंत्री होंरें निर्माण परियोजनाएं बक्खी ध्यान केन्द्रित करने दा प्रस्ताव रक्खेआ ते इक अंतरिम उपास दे तौर पर लौहकी अवधि लेई कराये आहली प्रणाली अपनाने दा बी मशवरा बी दिता। बैठक दरान मुख्यमंत्री होंरें एस्टेट्स मैहकमे गी निर्देश दिता जे ओह् जम्मू ते कश्मीर खितें च अपनी संपत्तिएं ते उत्थे रवै करदे लोकें दे नाएं आहली सूचियां तैयार करन तांजे इस गल्लै गी जकीनी बनाया जाई सकै जे अलॉटमेंट, योग्यता दी बिनाह पर गै कीती जा। उनें अलॉटमेंट दी प्रक्रिया च पारदर्शिता ते जोआबदेही जकीनी बनाने लेई अलॉटमेंट सरबन्धी सांझे नियम तैयार कीते जाने दी जरूरतें पर जोर पाया ते कन्नै माड़ी हालत च पेदी संपत्तिएं दा निरीक्षण करने दे निर्देश दिते। ओमर होंरें माड़ी हालत आहली इ'नें संपत्तिएं च नमें सिरेया जाने भरने दा प्रस्तास बी रक्खेआ।

<><><><><><>

Train

केन्द्री रेल राज्यमंत्री रवनीत सिंह होंरें आखेआ ऐ जे दिल्ली ते कश्मीर बश्कार रेल सेवा मेद ऐ जे अगले ब'रे जनवरी च शुरू होई जाहग। आकाशवाणी दे जम्मू संवाददाता दी रिपोर्ट मूजब, कटरा-रियासी रेल सैक्शन पर जारी कम्में दा जायजा लैने लेई मंत्री होर कल रियासी गेदे हे। ध्यानजोग ऐ जे रेलवे नै पैहले गै दुनिया दे सब्बनें शा उच्चे रेलवे पुल राहें कश्मीर थमां

रियासी तगर दिआं कामयाब आजमाईशां करी लैती दिआं न। इस हिस्से पर हून छड़ा तकरीबन 20 किलोमीटर दा गै ऐसा हिस्सा बाकी रेई गेदा ऐ जेहदा कम्म हून अखीरले चरण च ऐ ते मेद ऐ जे एह कम्म बी औंदे दिसम्बर म्हीने सबूरे करी लैते जाडन। मंत्री होरें कल कम्में दा मुआयना करदे होई मेद जाह कीती जे दिल्ली थमां कश्मीर तोहड़ी रेल सेवां अगले बरें जनवरी म्हीने दे पैहले हफते शुरू होई जाडन।

<><><><><><>

Minor-Driving

स्कूली शिक्षा निदेशालय जम्मू नै अंडर-एज विद्यार्थिं आसेआ गड़ियां चलाने आहली गल्ला पर चिंता जाहिर कीती ऐ। जा इक सर्कुलर च निदेशालय नै सरकारी ते निजी स्कूलें ते कोचिंग केंद्रें गी हिदायत कीती ऐ जे ओह कुसै बी अंडर-एज विद्यार्थी गी कुसै बी गड़्डी औहदे च टू व्हीलर बी शामिल ऐ, गी आहने दी इजरजत नेई देन। सारे स्कूलें गी हिदायत कीती गेई ऐ जे ओह शिड़क सुरक्षा ते स्कूल सुरक्षा बारै जागरूकता पैदा करन।

<><><><><><>

Jugal-Kishore

जम्मू-साम्बा-रियासी हल्के थवां सांसद जुगल किशोर शर्मा होरें कल साम्बा च जिला विकास तालमेल ते निगरान कमेटी दी बैठक लाई। आकाशवाणी जम्मू संवाददाता दी रिपोर्ट मूजब सांसद होरें जिले च केंद्र प्रायोजित स्कीमें दी अमलावरी ते होरनें दुए प्रोजेक्टें दा जायजा लैता। उनें समें सिर सेवाएं दी पुज्ज यकीनी करने पर जोर पाया। उनें अफसरें गी हिदायत कीती जे ओह बकाया पेदे कम्मै गी पूरा करने लेई रफ्तार गी तेज करन। साम्बा दे डिप्टी

कमिशनर राजेश शर्मा होरें केंद्र प्रायोजित स्कीमें ते राष्ट्रीय जरनैली शिडकृक, दिल्ली-अमृतसर-कटड़ा एक्सप्रेस-वे ते होरनें महत्वै आहले विकास कम्मै बारी जानकारी दिती।

<><><><><><>

Agriculture

राई-बाई विज्ञान ते टेक्नोलॉजी सरबंधी शेर-ए-कश्मीर यूनिवर्सिटी यानि स्कॉस्ट जम्मू पासेआ अज्जै थ्वां 4 रोजा राष्ट्री कृशि सम्मेलन 2024 दा सरिस्ता कीता जा रदा ऐ। एहदा मकसद करसानें गी नमीं तकनीकें बारै जानकारी देना ऐ तां जे ओह् इनेंगी अपनाइए फसलें थ्वां बेहतर झाड़ हासिल करी सकन ते राई-बाई सरबंधी वैश्विक चुनौतिएं कन्नै निब्बड़ी सकन। जम्मू-कश्मीर, पंजाब, हिमाचल प्रदेश, हरियाणा, उत्तराखंड ते केंद्र शासित प्रदेश लद्दाख थमां 15 जहार प्रतिभागी एहदे च हिस्सा लैरदे न।

<><><><><><>

Army-Commander

फौज दी उत्तरी कमान दे कमांडर लेफ्टिनेंट जनरल एम.वी. सुचिंदरा कुमार होरें किशतवाड़ जिले च सुरक्षा हालात दा जायजा लैता ते बल दे जवानें ते अधिकारिं गी निर्देश दिता जे ओह् फौजी कार्रवाईं गी अंजाम दिंदे बेल्ले पेशेवराना रौंस अख्तियार करन। फौज दी उत्तरी कमान नै सोशल मीडिया मंच - एक्स पर लिक्खेआ जे इस दौरै दरान फौजी कमांडर होरेंगी फौज दिं कार्रवाईं सरबंधी तैयारिं ते खिते च चलाए जा करदे अभियानें बारै जानकारी दिती। फौजी कमांडर होरें सब्बनें अधिकारिं ते जवानें गी आखेआ जे ओह् अपने अभियानें दरान मिसाल-

जोग पेशेवराना रौंs अखितयार करन ते देसै दे प्रति अपनी मजबूत वचनबद्धता दा प्रदर्शन करन।

<><><><><><>

Bilawer-Mishap

बिलावर सिड़कै पर जंदी स'झां पेश आए दे इक सिड़क हादसे च 6 शा मते नौजवान जख्मीं होई गे। आकाशवाणी दे कठुआ जिला संवाददाता प्रदीप शर्मा दी रिपोर्ट मूजब, एह हादसा कठुआ दे महानपुर इलाके दे मनु गां च उसलै होआ जिसलै जेके08के-7394 नम्बरै आहली इक गड्डी सिड़कै थमां रूलकी गई। हादसे दे मगरा मुकामी लोकें ते पुलस आसेआ बचाs अभियान चलाया गेआ ते जख्मिं गी नेड़े दे अस्पताल च भर्ती कीता गेआ। जख्मीं होए दे सब्बै नौजवान बनी ते बिलावर इलाकें दे रौहने आहले न ते एह सब्बै माधोपुर च टेरिटोरियल आर्मी दी भर्ती रैली च शामिल होने लेई जा करदे हे। तोआई पुलसै इस सरबंथै च मामला दर्ज करियै अगड़ी जांच शुरु करी दिती ऐ।

<><><><><><>

Goa-Film Festival

भारत दा अंतर्राष्ट्री फिल्म उत्सव अज्ज दपैही थमां गोवा च शुरु होआ करदा ऐ ते एह 28 नवम्बर 2024 तगर जारी रौहग। आकाशवाणी संवाददाता मूजब इस ब'रे लगगा करदे इस फिल्म उत्सव च केई नमीं चीजां जोड़ियां गेइयां न ते एह उत्सव ऐगती युवा फिल्मकारें गी समर्पित ऐ। इस ब'रे 100 मुखें थमां 400 शा मतियां फिल्मां दस्सियां जाडन। गोवा सरकारै इस उत्सव गी बवस्थित ढंगै सिर करोआने लेई सुरक्षा सने होरने बी सब्बै लोड़चदे बंदोबस्त

जकीनी बनाए दे न। एह फिल्म उत्सव, वैश्विक सिनेमा ते सांस्कृतिक आदान-प्रदान दा जश्न मनाने दा इक बड़ा शानदार ते बधिया मंच साबत होग।

<><><><><><>

Hockey-Final

हॉकी च अज्ज बिहार दे राजगीर च महिला एशियाई चैंपियन्स ट्रॉफी दे फाइनल च भारत दा मकाबला चीन कन्नै होग। भारत नै कल सेमीफाइनल च जपान गी 2 गोल कन्नै हराइयै फाइनल च प्रवेश कीता हा। इस मकाबले च जपान दी टीम कोई गोल नेई करी सकी। भारत लेई नवनीत कौर नै 48में मिनट च पेनल्टी स्ट्रोक गी गोल च तब्दील कीता जिस्सलै कि ला-लेर मिस्‍यामी नै 56में मिनट च फील्ड प्ले नै गोल कीता। एहदे शा पैहले कल गै पैहले सेमीफाइनल च चीन नै मलेशिया गी हराइए फाइनल च अपनी थाह पक्की कीती ही।

<><><><><><>

IMD

मौसम विभाग नै औने आहले दिनें च मौसम साफ रौहने दी पेशनगोई कीती ऐ। जम्मू दे मैदानी इलाकें च तापमान च कमी औग। मौसम विभाग मूजब जम्मू च कल दिनें दा बद्दोबद्द तापमान 25 डिग्री सैल्यिस ते रातीं दा घट्टोघट्ट तापमान 11 अशारिया 5 डिग्री सैल्यिस दर्ज कीता गेआ।

<><><><><><>